



# EMBRACE

EBCC MUMBAI MONTHLY NEWSLETTER



## FROM THE PASTOR'S DESK

Embrace tungtawn in simtu tengteng i Toupa Jesu Khrist' min in chibai kon buk masa hi. Kalmasa a ina zatkhit uh gingtute a dia ni poimoh mahmahte the holy week kichi sung a thiltungte saulou chik in enkhawm leng Ka ut hi.

Palm Sunday apan Resurrection Sunday tan the **Holy Week** or the Passion week chih in om a gingtu tamtak in kikhopna hun in zangtou ngiitngeet uhi. Hiai kalsung a Jesu hun zatna I et chiangin, amah a dia leng hun nanung ahih banah ah hong paina san a sepzohna, a saltang mihingte a ding a suaktakna ni, melma Setan zohthal a om na ni hong hi ding ahihman in hun poimohtak ahi chih hon musak thak thak hi.

**Palm Sunday**, leitung a Jesu a lenlai a thupitak a pahtawina a tanna mun suak hi. Sabiltung nou a a tuan in Pathian leh mihing kal a lemna bawl ding a hong pai a hihdan hon ensak hi. Mipite'n ahihle thei khial in Rome kumpi ukna nuai apan suaktakna sual dia hong pai sa in ana kipahpih mahmah uhi. A lamet dan a Jesu hong pailouh ziak in kros a kilhden ding in Pilat kianga ngen in kikou maimah uhi. (Mat.21:1-12; Mk.11:1-11; Lk.19:28-44; Jn.12:12-19)

**Thohtanni** ah I Toupa Jesu'n temple a hihsiangna leh theipi kung hamsiatna I mu hi. Judate'n Temple sung a Jentelte Biakna mun subuah in sum dawanna muna a zat un I Toupa Jesu suheh mahmah hi. Jentelte Biakna mun ding omlou chihna ahi. Huanah I Toupa a gil kial mahmah lai a theipi, a gal a et a gah om mah bang a kilang himahleh a mun ah gah muh ding omlou tuh gingtu a polang a kilawm lat zezen napi a gahmuh ding omlou, lamet bang a omlouhna in suheh mahmah hi. Gingtute leng hiai theipi mah bang a ei ah mi'n muh ding, nek ding gah a muh kei ua leh kivelthak kul mahmah ding hi.(Mat. 21:12-22, Mk.11:15-19, Lk. 19:45-48, & Jn.2:13-17)

**Thohlehni:** Temple sung a I Toupa Jesu'n sinsak nanung pia hi. Pharisaite a thuhilhna thute apan in ki etna ding tampi om hi. Pathian leh mihinpihte itna neilou a sahkhomi hihna in Toupa kipaksak hetlou hi.(Mat.23:24-33). Huanah nitaklam in Olive mual ah maban thil hongtung dingte genna nei hi (the Olivet discourse kichi hi), Jerusalem temple hihsiatna ding thu bang, 2nd Coming, leh Pathian vaihawmna ding thute gen hi. (Mat. 21:23-24:51, Mk. 11:20-13:37, Lk. 20:1-21:36, & Jn.12:20-38).

**Nilaini:** Hiai ni in I Toupa Bethany ah Lazar, Mari leh Martha te inn ah khol tawldam hi.

*Continued...next page.*

## APRIL KHA BIAKNA HUNZEEK

### Easter Sunday Biakna program 01/04/08

Conductor: Pa Khamkhochinthang  
Patna thumna: Nu Manlianiang  
Thumkhawmna: Mipi  
Thohlawm lantu: Local Chairman  
Thupuanna....  
Special no.: Worship Team  
Thugenna: Local Pastor  
Vualzawlina: Local Pastor

### Sunday Skul Biakna program 08/04/08

Conductor: Tv. Lianzang  
Patna thumna: Nk. Vanlalven  
Thumkhawmna: Mipi  
Thohlawm lantu: Local Secretary  
Thupuanna....  
Special no.: Tv. Michael Haulzel  
Sinsaktu: Local Pastor  
Vualzawlina: Local Pastor

### Sunday Skul Biakna program 15/04/08

Conductor: Tv. Jacob Lalmalsawm  
Patna thumna: Nk. Lynda Manthiannem  
Thumkhawmna: Mipi  
Thohlawm lantu: Local Chairman  
Thupuanna....  
Special no.: Pa Ginsuanmung & family  
Sinsaktu: Local Chairman  
Vualzawlina: Local Chairman

### Sunday Skul Biakna program 22/04/08

Conductor: Tv. Thangvumsang  
Patna thumna: Nk.Biaklun Tonsing  
Thumkhawmna: Mipi  
Thohlawm lantu: Local Chairman  
Thupuanna....  
Special no: Pa Thangzangam & family  
Sinsaktu: Local Pastor  
Vualzawlina: Local Pastor

### Sunday skul Biakna program 29/04/08

Conductor: Pa Paul Neng Joseph  
Patna thumna: Nk. Muankim  
Thumkhawmna: Mipi  
Thohlawm lantu: Local Secretary  
Thupuanna....  
Special no: Pa Chinmang & family  
Sinsaktu: Local Pastor  
Vualzawlina: Local Pastor

**Ningani:** Toupa'n a nungzuite annkuang nanung umpih a, nungzuite khe silsakna nei hi (Maundy Thursday). Jesu'n nungzuite kiniamkhiak ding dan leh khat leh khat nna kiseptuhsak leh ki ittuah ding deihlua ahihman in practical in sinsakna pia hi. Hiai mun ah I Toupan Judas Iscariot khe leng silsak hi. Judas Iscariot thilhih ding teng leng I Toupan thei khin mahleh nungzui dangte toh a kibang in it hi. Gethsemene huan tuh I Toupa ading in lit huai vungvung ding hi. Himahleh I Toupan hong pai nasan thei in hun haksapen ah le nungtolh lou in pang teitei hi. A kho-ul bang sisan toh kihel in takkhe hial hi. Pathian kianga ahihtheihleh hiai nou in honpel hen chi'n thum vei hilhial Pathian kianga ana ngen hi.

(Mat.26:17-75, Mk. 14:12-72, Lk. 22:7-62, & Jn.13:1-38).

**Sintawpni:** Good Friday chih a minvuah ah om hial hi. Hiai ni in mikhial mangthangte ading a suaktakna ni hongtung hi. Baptispa Johan in en un Pathian Belamnou khovel khelhna lamangpa ana chi hi. Sawitak Paul in I tatekna tengteng hon ngaidam a, batna lai thupiak a gelh I tung ua ei hon dou gige tuh a thaimangta ngal a; huai ngei tuh kros ah hihlup in ala kheta hi. Good Friday ni in thugentu ten Kros a Jesu pau kam sagih(7) gen tangpi uhi.

(Mat.27:1-62, Mk 15:1-47, Lk. 22:63-23:56, & Jn. 18:28-19:37).

**Kiginni:** I Toupa luang tuh han ah (tomb) ah sial in om a, Rome sepaihte laka a hangsanpen telkhiak a omten veng uhi. Nitaklam Sabath bei in Nicodem leh Joseph in hangsantak in a luang Pilate kianga va ngen uhi. Hiai hun ah nungzuite koi gam tung vek uh ahia? Muhkhak ding omlou uhi. A nopna kia leh mipahtak lohna ding kia a Toupa nungzuihna pen I makaipa deihlam hilou hi. A nuam ahaksa a leng zui ding, a lahuai na mun leh a zumhuai na mun a leng zuih ding I kipiakna uh himah lou hia? I Toupan, kuapeuh in hon zuih a ut leh, amah kingaihsaklou in, niteng in a kros pua in honzui hen. Kuapeuh a hinna humbit ut in a tan ding, kuapeuh keimah ziaka a hinna tan in a humbit ding ana chi hi.

(Mat 27:62-66, Mk 16:1, Lk 23:56, & Jn 19:40).

**Thohnawnni:** Sihna in lenden zoulou in Jesu tuh han apan in thounawn hi. Gingtute a ding a I thugin (Doctrine) uh kingakna bulpi tuh Jesu thohnawna ahi. I makaihpah uh thounawn lou hileh gingtute mihehpih huai pen hiding ihi uh chi'n Sawitak Paul in ana gen hial hi. Amah tuh misite thohnawna gahmasa ahi a, a nung in gahtampi in zui ding hi. Huai tuh amah bangbang a rapture ni a laktouh a om ding ihi uhi. Jesu thohnawna tuh I gingtute a vualzohna uh ahi. I Toupa Jesu Khrist ziaak a zohna hon pepa Pathian kianga Kipahthu om hen. Huai ziaakin ka unaute deihtakte aw kiptakin hihlin vualloh in Toupa nasep phattuum ngaitak a sem gige in om un, na sepgimna uh Toupa ah a thawn ngeikei chih na thei ngal ua. (Mat. 28:1-13, Mk.16:1-14, Lk. 24:1-49, & Jn. 20:1-23).

Simtu tengteng Toupan hon vualzawl hen.



## BIRTHDAY LIST

April 1 Ningzaniang  
 April 3 Lydia Ngaihau  
 April 6 Nunmawi  
 April 6 Luning  
 April 7 Thanglianlal Ngaihte  
 April 9 Lalmangaih Haulzel  
 April 10 Khawmuankim  
 April 11 Nora Kimlalrem  
 April 12 Manjemhoih  
 April 12 Paozagin Leivang  
 April 13 Biakching Tunglut  
 April 13 Chalmawi  
 April 13 Muankim Guite  
 April 14 Michael Haulzel  
 April 15 Lynda Manthiansang  
 April 17 M. Thangvumsang Guite  
 April 18 Biaklun Haulzel  
 April 19 Lianremkim  
 April 20 Nianglunkim  
 April 22 Mercy Lunkim  
 April 23 Ngaihthang Tunglut  
 April 26 KamJohnson Hangzo  
 April 26 Fiona Guite



## HAPPY WEDDING ANNIVERSARY

April 9 Ngaihthang Tunglut & Biakching  
 April 15 Thangkhenpau & Ningngaihluh  
 April 19 Chalmawi & Kimlunnian  
 April 23 Ginsuanmung Hangzo & Chingmuankim

### SAPTUAM BANK ACCOUNT DETAILS

Evangelical Baptist Convention, Mumbai  
 State Bank of India  
 Golden Arrow Apartment,  
 Kalina-Kurla Road, St. Mary Chowk,  
 Kalina, Mumbai - 400029  
 A/c No. 34916222036  
 IFS Code : SBIN0014914

## EBCC MUMBAI DEPARTMENT YEAR PLAN PULAKNA, 2018

### TUALSUNG BAPTIST DORCAS FELLOWSHIP YEAR PLAN

1. Dorca member omna lnnte vehna neih suak ding. Hiai pen Dorca kikhopna chih min vuah ding.
2. Innkuan hotdamna chialpi bawl ding. Dorca Hall apan heutunu Liankhoman chial khiak ding.
3. Dorca Talent leh Daakbawm hawm ding.
4. Pastor' Quarter a vanzat leh um leh bel puathak/lei ding.
5. Damlou vehna sutzop ding.
6. Naupangte Ni leh Tuailaite Ni a gift piak ding. Tuailaite gift piak ding pen TBSUC toh pangkhom a piak ding.
7. Anntangpham Pastor' share bawlsak ding.
8. Saptuam mi a si omleh puannou a tuam ding.
9. Nungak Saptuam Dan Siangthou a pasal neite Paite Lai-siangthou piak sutzop ding.
10. IBWU (15th August) leh BWA (6th November) thumna hun Nipini Biakna programme a kinaih pen a zat ding.

### TUALSUNG BAPTIST CHILDREN DEPARTMENT YEAR PLAN

1. BCD calender ahithe tan a zuih ding.
2. Devotion Hun sunday school class lakma zatzel ding.
3. BCD counselor in apoimoh naupangte counselling neihpih zel ding.
4. BCD outing kumtawp lam a neih ding.
5. BCD Day a nuam leh manpha theipen a zat ding.

*Note: Tualsung Saptuam a Department dangte' Year Plan te khanawn chiang in hong kisuahkhe ding.*

**Set-Up Team leh Ushers - Apr & May 2018**  
 Lambiaklian Sektak, Khamthansang, Khambiaksang  
 Mercy Kimlalmalsawm leh Lianthiansiam